



Pou Piblikasyon Imedya: 27/04/2022

GOUVÈNÈ KATHY HOCHUL

## GOUVÈNÈ HOCHUL ANONSE FINANSMAN POU INISYATIV SIVIVAN OLOKOS YO

### **2.6 milyon dola pou amelyore sèvis swen sante pou sivivan olokos yo**

Gouvènè Kathy Hochul te anonse jodi a gen 2.6 milyon dola finansman Bidjè Ane Fiskal 2023 ki Adopte a bay pou Inisyativ Sivivan Òlòkòs (Holocaust Survivors Initiative) yo. Finansman sa, ke Biwo Eta New York pou Moun Aje a (New York State Office for the Aging) pral itilize pou ogmante aksè nan sèvis ki gen rapò ak swen sante, ke òganizasyon kominotè yo bay pou sila yo ki te sibi Òlòkòs la.

"Sivivan Olokos yo te andire trajedi ki depase imajinasyon moun mwayen - nou dwe yo tout yon vi swen epi avèk finansman sa nou ka asire ke yo resevwa li," **Gouvènè Hochul te deklare.** "Nan New York, nou p ap janm blye epi n ap fè tout sa k posib pou onore memwa plizyè milyon vi ki te pèdi, [epi](#) asire ke sivivan yo ap toujou an sekirite, pwoteje, epi sipòte. Jodi a, n ap reafime angajman nou pou sipòte sivivan yo paske se devwa nou, epi finansman sa ap sèvi pou elaji aksè nan sèvis epi soti yo nan povrete."

Eta New York se fwaye apeprè 40,000 sivivan Olokos, 40 poustan nan yo ap viv nan povrete. Yon sivivan se yon moun, Jwif oswa moun ki pa Jwif, ki te sibi pèsekisyon nan men rejim Nazi a. Yo te sible yo akoz ras, reliyon, gwoup etnik, oryantasyon seksyèl, enfimite fizik oswa mantal, ansanm ak ideyoloji politik. Yo te siviv nan kan konsantrasyon yo oswa yo te oblige pran lafwit kite kay yo ak peyi yo. Swasant poustan nan sivivan Olokos yo te imigre soti nan ansyen Inyon Sovyetik anvan yo te vini Etazini; yo resevwa ti kras revni Sekirite Sosyal oswa okenn, epi yo ekstrèman pov.

Jodi a, sivivan ki pi jèn lan, nan 70 an yo, epi toutotan y ap granmoun, yo bezwen plis swen toujou. Eprèv ak twomatis tèrib yo te sibi nan premye ane yo afiche efè ki tèrib avèk laj. Byenke chak ane kantite sivivan Olokos yo ap diminye, depans pou swen an ogmante anpil.

COVID-19 te doulere patikilyèman pou sivivan Olokos yo, anpil ki te deja soufri de estrès pòs twomatis, anksyete, ak lòt konplikasyon mantal. Depi mas 2020, sivivan yo te tounen vè founisè sèvis sante mantal ak sosyal plis ke jamè pou sipòte bezwen fizik, emosyonèl ak finansye yo pandan tout pandemi an. Founisè yo te oblige fè piwèt pou asire sèvis yo kontinye ak santiman kominote pou sivivan yo ki dwe rete lakay yo, ki enkli sipò pou moun ki gen aksè ki limite nan teknoloji.

## **Envestisman pou Inisyativ Sivivan Olokos yo sipòte:**

- **Jesyon dosye** pou gen aksè nan benefis ak sipò. Manadjè Dosye yo fòme espesyalman nan enpak psikolojik Olokos la;
- **Sèvis Sante Mantal** ki enkli vizit adomisil pou ede sivivan yo soti nan twomatis ki manifeste kounye a nan twoub somèy, anksyete, depresyon ak enkapasite pou fè konfyans;
- **Swen ki Konsidere Twomatis la** ke pwofesyonèl ki rekonèt epi ki evite deklanchè ki posib yo, kidonk ki diminye possiblité pou twomatize ankò
- **Prevansyon Kriz** pou ede evite ekspilsyon ak grangou;
- **Sèvis Legal** ak konsèy sou dwa;
- **Asistans Finansye Ijans** pou manje, lojman, preskripsyon, swen medikal ak dantè;
- **Pwogram Sosyalizasyon** pou diminye izolman;
- **Fòmasyon ak Sipò** pou Moun k ap bay swen ak èd swanyan a domisil k ap travay ak sivivan yo;
- **Swen pou Fen Lavi** ki enkli swen palyatif ak testaman etik.

**Senatè Simcha Felder te deklare**, "Lè nou pran swen sivivan Olokos yo ki te reziste a jenosid ki pi dyabolik nan istwa sivilize a se yon devwa moral pou moun ki desan tout kote. Antanke yon reprezantan pi gwo popilasyon sivivan Olokos nan peyi a, mwen konsidere li yon pwofon onè ak responsabilite pou asire ke sila yo ki te soufri atwosite ki pi mal yo viv rès lavi yo ak diyite ak respè."

**Manm Asanble Simcha Eichenstein te deklare**, "Sivivan Olokos yo se pi gwo trezò nou, pyè presye nan kouwòn kominate nou an. Yo te siviv a orè nan tan pase epi yo te vin tounen sitwayen eksepsyonèl ak pwodiktif nan sosyete nou an. Mwen remèsyé Gouvènè Hochul, Prezidan Heastie, ak Lidè Stewart-Cousins pou angajman yo pou sipòte sivivan presye sa yo epi asire byennèt yo."

**PDG UJA-Federation of New York, Eric S. Goldstein, te deklare**, "UJA-Federation of New York rekonesan pou efò san rete Gouvènè Hochul ak Lejislati a ki abouti sou 2.6 milyon dola pou sipòte sèvis ki enpòtan pou sivivan Olokos yo nan New York. Akoz twomatis yo, sivivan yo souvan egzije yon seri sèvis sosyal, medikal, ak sante mantal, epi finansman sa ap fè yon gwo diferans nan ede moun sa yo gen aksè nan swen yo bezwen epi vyeyi ak diyite."

**PDG Boro Park Jewish Community Council, Avi Greenstein, te deklare**, "Sivivan Olokos yo se moun bay plis enspirasyon nan mond nodi a. Mwen remèsyé Gouvènè Hochul pou sipòtjenere ki pèmèt Boro Park Jewish Community Council ak lòt òganizasyon yo ede epi bay Sivivan yo diyite. Se responsabilite kolektif nou pou bay yo lanmou ak sipòtjenere ane yo ke yo te prive yo ak britalite lè yo te timoun."

**PDG Met Council, David G. Greenfield, te deklare**, "New York se fwaye pi gwo kominate sivivan Olokos ki pa Izrayèl la epi nan Yom HaShoah a, Gouvènè Hochul te

leve kanpe pou yo. Lè li envesti 2.6 milyon dola pou ede sivivan Olokos yo, Gouvènè Hochul ap demontre klèman ke li konprann kantite sipò kominate granmoun etonan sa bezwen epi nou tèlman fyè ke li konsakre pou li pa sèlman asire yo pa jamm blyie nou konsènan krim Olokos la, men nou p ap janm, jamè blyie viktim k ap viv pamí nou yo."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)